



UPRAVNI ODBOR

Broj: 10-02-3/26

Datum: 30.04.2026. godine

Na osnovu člana 51. stav 1 tačka h) i člana 143 stav 2 Zakona o visokom obrazovanju u Brčko distrikt BiH, (“Službeni glasnik Brčko distrikta BiH” broj: 21/24 - prečišćen tekst, 04/26), člana 18. stav 1 tačka f) Statuta Univerziteta broj: 10-01-1/23 od 16.10.2023. godine, Upravni odbor Viskoškolske ustanove “Privredna akademija” Brčko distrikt BiH, na sjednici održanoj dana 30.04.2026. godine, donosi:

ODLUKU

o odobravanju posebnog programa upisa kandidata
na Fakultet tehničkih nauka, studijski program Saobraćajno inženjerstvo,
smjer Drumski i gradski saobraćaj za akademsku 2026/2027. godinu

Član 1.

Odobrava se realizacija posebnog programa upisa kandidata na Fakultet tehničkih nauka Univerziteta „Privredna akademija“ Brčko distrikt BiH, za studijski program Saobraćajno inženjerstvo, smjer Drumski i gradski saobraćaj.

Član 2.

Poseban program upisa odnosi se na ukupno 100 kandidata, uz mogućnost proširenja broja kandidata u skladu sa prostornim, kadrovskim i organizacionim kapacitetima Univerziteta.

Član 3.

Pravo prijave imaju kandidati do navršениh 28 godina starosti koji prvi put upisuju prvu godinu studija, a koji pripadaju policijskim, bezbjednosnim i drugim srodnim strukturama Bosne i Hercegovine i država regiona.

Član 4.

- (1) Period prijave kandidata traje od 08.06.2026. godine do 13.06.2026. godine.
- (2) Prijave se podnose lično putem Studentske službe Univerziteta ili putem pošte, u skladu sa javnim pozivom Univerziteta.

Član 5.

Kandidati su obavezni dostaviti:

- a) prijavu za upis;
- b) originalna ili ovjerena svjedočanstva svih razreda srednje škole;
- c) diplomu o završenoj srednjoj školi;
- d) izvod iz matične knjige rođenih;
- e) uvjerenje o državljanstvu;
- f) kopiju lične karte ili pasoša;
- g) dvije fotografije za indeks;

- h) dokaz o pripadnosti policijskoj ili bezbjednosnoj strukturi, ukoliko kandidat ostvaruje pravo po posebnom programu upisa.

Član 6.

Za kandidate koji ispunjavaju uslove iz ove odluke odobrava se poseban model finansijske podrške, te školarina za prvu godinu studija iznosi 1.500,00 KM

Član 7.

Studije će se organizovati kroz model kombinovane nastave, uz prilagođavanje nastavnog procesa zaposlenim licima i kandidatima koji žele uskladiti radne obaveze i studiranje.

Član 8.

Ova odluka stupa na snagu danom donošenja i biće objavljena na oglasnoj tabli i zvaničnoj internet stranici Univerziteta.

Dostavljeno:

1. Fakultetu tehničkih nauka;
2. A/A.

PREDSJEDNIK UPRAVNOG ODBORA

Mr. Pero Marković